

江
西
詩
徵

江西詩徵卷三十五

南城曾煥賓谷編輯

元

黃復圭

復圭字君瑞安仁人博學以詩名至正兵起陷賊
不屈死有君瑞集

雙燕吟

雙燕雙雙飛更復雙雙棲穿花採水雙銜泥簷前葺壘雙
哺兒春風一雙至秋風一雙歸念爾雙不得故巢須獨依
莫學人妻朝亡其夫莫嫁之莫學人夫莫亡其妻朝納妃
戚其歎

信州州官萬鍾粟殺牛搃馬日絲竹信州鄉民蕨作糧三月懷饑聚頭哭蕨其開葉不可餐蕨根有粉聊鉏鑿偏攻性冷損胃氣民面生黃苦憔悴縣不申閭郡不知官倉有米重封閉重封閉將若何衆人歌我蕨其歎九莖莫唱靈芝歌

題金碧山水圖

狂風捲盡夜來雲萬壑千峰錦繡紋占日樓臺平樹見吼雷春瀑入溪間豈無花洞畱鶯語應有芝田下鶴羣清絕松陰二三子不知誰是紫陽君

尊榮

鮫人繡滿水仙裳地軸天機不敢藏水穀冷纏瓊縵滑翠

銅清綴玉絲香江潮有味牽情久京洛思歸引興長欲剪吳淞縱不得謾拖秋思繞詩腸

春明樓

公子樓居剩得春四時花氣敵濃薰書聲高下間長日舞袖婆娑拂彩雲蛺蝶新圖開鴈爪後覩古鼎隔龍紋近來每愛東風賞折簡常邀越鄂君

送友

雲錦江邊送玉郎江邊折柳柳絲長柳絲欲挽行人住更向東風種幾行

宮花

連理枝頭竝蒂紅中官采獻未央宮可憐春色非人世天

上風光似酒濃

金闌芍藥紫重胎上苑移來遍殿栽正頂繡苞三十朶羊
車停處一齊開

華處士別業

迢迢去郭賒渺渺入雲斜桑採三番葉桃開二色花割溪
鷗作主分塢鹿爲家時有巢居子相邀共啜茶

次韻塞上

李廣稱猿僭班超號虎頭三邊殺降卒萬里取封侯砂磧
胡雲暗郵營漢月秋曾經飲馬窟半是血骷髏

題疎齋吳氏深靜齋

避地閒心遠入山塵事稀書棚幽落蛙賓庀密生衣野竹

秋光薄谷禽春韻微殘經注未就頻歲掩重扉

送友人北上次韻

玉闕金門紫氣寒干戈虎士列桓桓鑾坡日永移天仗仙
掌雲深捧露盤犀角不須朝士帶鹿皮思製野人冠江南
何處秋風岸綠水芙蓉許獨看

送于鍊師之京

九重天上帝王宮入覲仙人駕海風宵仗引從黃道外曉
班環在紫垣中駝鳴氍毹沙光白龍挾金輿寶氣紅萬里
冬寒須自衛酪杯酥腕莫令空

餞別楊友直總管

雙鳧飛躡歷金天五馬閑遊欵玉鞭隸篆共叅邦伯印制

書會拜祖皇宣嚴城鼓角連雲度護水魚龍枕月眠無限
舞衫歌扇意路人遙識使君船

喜薛外史春日自京師寄經至

蓬萊坊畔五雲邊七尺長身漢薛宣花壓銅街馳廐馬水
生瑤海放樓船仙曹共作窗前戲吏部相邀甕裏眠果老
山頭逢野鶴雪箋時奉寄來篇

白雲山劉道士

紫華陽巾白羽衣幼辭家舍入岩扉靈書注就叅同契絕
字修成杜德機著屐看松逢伴少荷鉏栽果到城稀蕭蕭
落葉空山夜獨禮寒星待鶴歸

贈舍農叟春耕者

六角黃牛二頃田曉簷星月晚犁煙治塘布穀清明後伐
鼓燒錢社日邊急雨放寬科斗水亂雲遮斷鷺鷥天太平
四海無征役念此安居不偶然

顯威廟

南唐忠烈桂司空三百餘年氣貫虹上國勛勞明大節故
家文獻挹遺風雲中結構孫修廟石上褒崇史論功詞客
冀窺松栢路弋陽西畔貴溪東

莫春雜詠寄友人

綠漪池沼燕交飛深院重門客到稀柳絮不知春去盡尚
隨風起點人衣

亭前茶蘼

杏園芳草雨霏霏
亟拆千秋卷
畫旗自過清明多病酒不
知花落到茶蘼

讚龍

一鼓春雷起九淵
風雲萬里會中天
墨池付與無多水去
作人間大有年

送琴士歸杭

雲中歌斷紫芝歌
不奈周君欲去何十里
湖山好明月却
憐隨處故人多

題襄陽拍手圖

愛酒山翁倒接離花間
日日醉如泥只今池館風流在不
見欄街拍手兒

寄高元博

故人招我出山來一去城闔更不回
無數青松滿池月可憐深夜獨徘徊

奉贈吳宗師

使節光華禮樂崇
皇華原隰轡玲瓏
五風十雨祠三島
萬歲千秋祝兩宮
醮起碧雞山月白
仗移黃鵠禁雲紅
召南庶類深仁澤
行見騶虞發五縱

送潘希隱歸閩省親

道人騎鶴入閩邦
夢繞慈闈一念長
紅壓錦雲收荔子
綠攢香樹摘檳榔
曉侵霧露黃冠重
春透山林綵服光
賸有大丹并妙藥
三光凋後鬢應霜

董旭

旭字奉初新昌人少負英氣博通羣書尤善畫山水方園珍據台巖欲羅致幕下堅拒不受作詩議之遂遇害

題長江偉觀圖

龜書出洛水神禹膺九疇豈伊彝倫敘洪濤亦安流惟岷西南隅金火相綢繆江源發其側微茫不容舟淺濤淵遂涂道遠勢乃適辛勤逾青城憤怒脫黃牛漢水剡兩川彭蠡會七州劬劬朝宗心自可無滯留屹彼金與焦相望僅一瀛離立當要衝不沒亦不浮大類武安西震蕩不得謀神奇北山捷乃以一卒收又似討邑兵兕虎雜貔貅氣貯

百丈叔草草就俘囚，叵測天地心。平地陳險阻，我疑東海
若力據江上游。于此戰不勝，奔迸若兜矛。不然江神薨，厥
婦義從遊。天吳役祕怪，負石奠雙邱。九思苦未得，物理諒
難求。因悲英雄人，爭此若射侯。偉哉韓將軍，鐵鎖掣萬艘。
向非天與靈，萬騎真杵投。至今江之波，猶負脫鼠羞。我昔
曾過之，噴噴淚盈眸。中流一長嘯，宇宙爭百憂。東顧無津
涯，赤日出海頭。西望赤壁磯，尚想孫曹劉。正北維揚城樓
櫓，鬱相糾。寒烟際衰草，日落風颼颼。近聞事益殊，沙戶逮
稱酋。舳艫夾舫舫，浩蕩戲長蚪。蕭瑟但一氣，焉能辨邗溝。
向來金碧堆一炬，十二樓諸天盡。星散死樹生，清秋時事
翻覆間。桑海變蜉蝣，安知億劫外。偉觀寧此不，取我金叵。

羅披我紅錦裴醇此一杯酒淨洗千古愁

保應廟

廟食空山八百年衣冠猶是李唐前
汴河十里垂楊柳何似松陰數畝田

伯顏子中

一作巴延子中

子中西域人祖父官江西因家進賢有學行喜談
兵至正間以鄉薦辟東湖書院山長歷官行省員
外郎進兵部侍郎元亡變姓名遁跡北山明初搜
訪遺逸使者至作七哀詩飲藥死有子中集

過烏山舖

溪流霜後淺野燒曉來明古路無人迹空山有驛名
衾寒

知夜永析響覺風生苦被浮名誤棲棲復此行

挽余廷心

義重身先死城存力已窮百年深雨露一士獨英雄甲第聲華舊文章節槩中只今千種恨遺廟夕陽紅

過故居

白頭歸故里荒草沒柴門鄉舊仍相見兒童且不存忠清千古事骨肉一家魂痛哭松楸下雲愁白日昏

十華觀

十載風塵忽白頭春來猶自強追遊香浮素壁雲房靜日落青林石徑幽海內何人扶社稷天涯有客臥林邱此心只似長江水終古悠悠向北流

春日絕句

幾片殘紅點客衣
小溪流水鱖魚肥
畫橋盡日無人過
楊柳青青燕子飛

北山

平川楊柳翠依依
暖日游絲挂綠扉
啼鳥不知江國變
多情到處勸人歸

過豫章

艤棹滄洲外
行行入故城
樓臺空舊跡
門巷半新名
盛學誰從說明
身只自驚
惟看徐孺子
千古有餘清

七哀詩七首

有客有客何纍纍
國破家亡無所歸
荒村獨樹一茅屋
終

夜泣血知者誰燕雲茫茫幾萬里羽翮鍛盡孤飛遲嗚呼
我生兮亂中遘不自我先兮不自我後

我祖我父金月精高曾累世皆簪纓歲維丁卯兮吾以生
於赫當代何休明讀書願繼祖父聲頭白今日俱無成我
思永訣非沾名生死逆順由中情神之聽之和且平嗚呼
祖考兮俯馭假籛豆失薦兮我之責

我母我母何不辰腹我鞠我徒辛勤母兮叔善宜壽考兒
不良兮負母身殺維新兮酒既醇我母式享無悲辛嗚呼
母兮母兮無遠適相會黃泉在今夕

我師我師心休休教我育我靡不周四舉濫叨感師德十
年苟活貽師羞酒既陳兮師戾止一觴我奠涕泗流嗚呼

我師兮母我惡舍生取義未遲莫

我友我友全公海公愛我愛我兮人誰與同惟公高節兮
寰宇其空百戰一死兮偉哉英雄嗚呼我公兮斯酒斯酌
我魂我魂兮惟公是托

我子我子兮嬌且癡去住存歿兮予莫女知女既死兮骨
當朽女苟活兮終來歸嗚呼女長兮母我議父不慈兮時
不利

鳩兮鳩兮置女已十年女不違兮女心斯堅用女今日兮
人誰我冤一觴進女兮神魂安然嗚呼鳩兮果不我誤骨
速朽兮肉速腐

葉蘭

蘭字楚庭號醉漁鄱陽人懋子任太常寺禮儀院
奉禮明初周伯琦應召以其名薦不就赴河石橋
水死有寓菴詩集

姑蘇感舊

繡羅衫子紫藤鞭五色春雲拂錦韉醉散平橋楊柳市黃
鶯啼近馬頭前

江月朦朧水映沙吳姬嘈雜撥琵琶闔閭城外垂楊路十
里紅樓盡酒家

春來長愛對花眠彼此風流盡少年記得竹堂燈火夜醉
闌紅袖賭金錢

明日春晴出郭遊問郎騎馬妾登舟玉壺滿注葡萄酒不

上靈岩卽虎邱

寄張達善大參

沉沉月影浸寒流一雁初飛萬國秋
醉寫玉壺畱別意客愁都在小紅樓

舟泊葛陂寄方方壺鍊師

天暝雨瀟瀟溪流勝海潮春船依樹杪
晚飯摘山苗鳥道羣崖合龍陂一水遙
投竿探仙跡壺老肯相招

寄山陰蔡孟陶

寂寞望山陰愁懷恨轉深還家添白髮
爲客盡黃金城冷秋砧急燈昏夜漏沉
淒涼孤館裏誰識旅人心

送金文振同知還松江

對客淒涼話舊遊
遙遙楚尾接吳頭
山迴紫鳳衝天地
江繞青龍入海流
寄別題詩蒲葉扇
送行人上木蘭舟
愁來重憶華亭路
縹緲雲間十二樓

答蘇仕常金臺懷古

漢騎南來擁鍔戈
鳳城空繞舊山河
堪憐玉殿開金鎖
無復金輿控紫駝
一代衣冠成土壤
九重歌舞罷天魔
祖龍王氣百年盡
遊客重來感慨多

九日

城上旌旗拂弩臺
城中車馬踐塵埃
江湖浩蕩魚龍伏
日月蕭條鴈鴛哀
白髮星星催老去
黃花朵朵向誰開
秋來頻起登高興
時向溪橋一舉杯

送周叔良往吳中

餞別鄉關莫慘神，柳林叢裏是通津。
江船打鼓行程客，水閣燃香乞巧人。
湖出小孤分楚漢，潮生揚子近淮秦。
到家記憶離羣處，相送柴門月色新。

感知

窮居嘆偈仄，遐思發徂征。
悠悠出東郭，慘戚銜餘情。
親友慰遠問，集燕暫延停。
酒酣氣慷慨，高氣百金輕。
神交在所知，傾蓋如平生。
揚舲涉大渚，徘徊矚鄉城。
白雲天渺渺，綠水波澄澄。
丈夫雖有爲，空談謾縱橫。
委身誤文墨，別業自經營。
射利走川陸，衰老媿無成。

送洪府判

門有車馬客祖餞歸故園置酒且莫飲聽我歌一言憶昔少年時雙雙似文鵠朝發韶山陽暮投漳水源壯心多激烈揚蕩恣飛鶩因茲適離別會合難兩全丈夫在知己戚軫復何宣涕泣沾衣裳五內爲煩煎遠行重書劄慰之寒與暄

靈山行

靈山峻嶒巔西路上山清晨下山暮草履俱穿足力微欲過前村不能渡荒岡有虎夜莫行行人勸我人家住茅簷松火照寒雲木葉重重響風雨野翁慰客我辛苦開酒烹雞飯新黍爲言棧道轉崎嶇明日呼兒送君去

紫駟行

江表書卷三十五
紫駟行且嘶送別綠楊堤解儂金絡索繫子錦障泥鞭聲
稍狎起塵霧相勸相畱暫時住短歌唱徹杜韋娘高筵醉
倒丁都護馬駢駢路悠悠青衫從事懸吳鉤少年努力當
封侯

見月行寄錢太守

見月復見月月圓圓復缺今夜中秋見月光照我容顏舊
時別憶昔小小初幼年紫羅結髻雙垂肩閒隨阿母引兒
戲見月拜月庭階前長來十五纔十六受業從師居外宿
漸知禮樂好詩書夜對月光長夜讀二十近相將翺翔文
墨場關山行見月壯志橫四方功名談笑當黑頭氣冲牛
斗輕公侯神遊仙闕廣寒殿醉臥揚州明月樓人生得意

每見月見月懽娛夜不休三十走兵馬四十還江夏眼看
富貴若浮雲歸種瓜田向村野行年五十把鋤犁道邊莫
問買臣妻古人今人盡如此唯有明月天東西天東西月
常好月色照中秋青天淨如掃自憐白面月團團變作婆
娑一衰老

金臺卽興

畫鼓聲聲響似雷內官晚集拜郊臺柳堤一道黃塵起知
是潘家進馬來

宮水溶溶出御溝綠楊掩映小紅樓樓高莫揭珠簾看牆
外王孫學打毬

客懷

回首江南事已非
故家庭院鎖重圍
柳塘西館斜陽裏
只有當時燕子飛

野橋西轉路欹斜
青旆高懸賣酒家
收拾客愁無處著
夕陽芳草一池蛙

送陳元履

郡人喧驛堠
大理發裝行
宦業秋霜冷
歸舟夜月明
神京山似洛
淮岸水連城
去去棠陰路
西風第一程

浦城山館阻雨

玉溜垂珠箔
青苔繡粉牆
積陰連五夜
清夢到三湘
竹屋茶烟濕
荷池扇影涼
重陰蔽難霽
淹滯泊魚梁

客錢塘簡祝良英

爲客久淹留行程不自由
簾垂孤館雨砧急滿城秋
紅顏
酣餘色霜髯病裏愁
那堪苦蕭索兩月住江頭

聞家尊侍丞相還軍中奉呈張學士

紫禁沉沉去院迷
早朝齊候唱晨雞
天寒鼓角東風急
雲暗旌旗北斗低
將令傳聞還壩上
捷書飛報下遼西
內門
宣詔迎丞相鐵甲銀鞍萬馬蹄

旅中歲日有感

草徑泥深鞍馬稀
蕭蕭雪雨怕沾衣
年同流水人空老
春已還家客未歸
山館簾垂壺漏永
石屏香散篆烟微
追思
內宴朝元日說著先皇淚欲揮

舟泊左蠡

鷓鴣沙頭噪作團晚晴行出柁樓看天光映水青鸞鏡日
脚山紅玉盤酒急觥籌人已醉歌聯絲竹客相懽春衣
爲蠹香羅雪斷送深江五月寒

和盧相公見寄

雨後庭堦長綠苔故人久不過茅齋每思舊事如春夢聊
寄新詩慰老懷窗下受經高弟讀柳邊喚渡小舟來何時
結屋依東郭相與論文日往回

廣信道中別萬益謙鄉老

徂征歲云宴雪霰零暮寒逶迤邁行役遠涉胡爲難暝昏
憩所息歛策棲門端主迎慰遠問賓階序文翰劇談識鄉
里宿弊銘金蘭追舊盡遺老灑涕興哀酸徘徊倒中素掩

戚還餘懽會合諒勿苟離筵且加餐芳蔬薦春飮華蠟明
夜盤雅酌逸清趣情酣以忘闌顧容覺衰謝流光若飛湍
人喧欲潛寂勞者思其安理道固當遺益晦何迷漫分離
重再拜明發瞻青巒

松巖幽居

幽居構林壑景序暢遊寓簡牘綴餘篇文英樂清聚軒窗
豁瀟洒鳥徑疊迴顧蒼松日龍蔥環圍盡嘉樹涼颺諧雅
奏白晝暝寒霧謝喧興遠思淡默適佳趣懷茲貞素心悠
悠託遲暮

贈楊文舉

徵書召晦跡行行戒徂征五星耀東井羣賢集天京盛運

貴文衡選萃得其英白髮映錦服遐齡播嘉名雄談薄侯
伯神若楚水清紐印歸故邑榮辱忘所驚簾垂公館靜賓
堵苔蘚生讀書坐秋夜義訓戒諸嬰澹泊守中素易哉重
高情

題宋天章桐岡小隱

桐陰藹餘碧蕭疎映崇岡涼颺蕩秋葉樹實辭妍芳朱鸞
倦飲啄幽棲白鵬翔晚景歛寒寂徘徊隱青蒼雲軒最遠
趣刷羽鳴朝陽

茅山道人歌

朝餐麥米飢作殍少年辛苦貧亦懽人家反背不同力白
頭踴躍長悲歎湖州青銅鑄明鏡不照人心空照影翁不

見茅山道人麻布衣捨身出家終不歸

鬼婦謠

漢家邊城長殺戮原頭牧馬車中宿婦人粧束伴軍行
子棄夫亡阿誰哭少年嫁逐東西家芳心婀娜如春花自憐
李陵不肯死明妃空怨彈琵琶夜半羅幃思舊愛夢裏相
逢宛如在慚媿當初結髮時合歡猶有鴛鴦帶君不問白
頭老嫗又重婚眼前世事都莫論

二姑吟

大姑朝行雲小姑暮行雨孤山曲曲多風波船來盡泊山
前住彭郎磯頭江水深水深照見行人心世人惡薄苦難
擬誰肯將心比江水上山祭姑還拜姑莫把平地爲險途

樂九成養思堂

樂先生孝且慈父母蚤歿惟孤兒熒熒雙淚垂見人父母
寧不悲少年不肯仕居鄉作儒師弟子三千人傳道鳴書
詩得錢薦新向月朔祭祀蒸嘗禮四時躬親事俎豆妻子
不敢私養思有如此大義實無虧今人有父母兄弟分食
如犬彘又令父母長寒飢君不見烏反哺言有之鵲巢啄
母腦物性何兇危至今母子亦爲依嗟哉樂先生孝心天
所知

田家謠

妻緝蘿夫踏車輓轡展水聲伊啞旱風吹沙日照地今年
何以輸公家城中太守齋告雨雨落滂沱水如注田疇得

秋霖落雨如落金夫春糧妻織布夫婦殷勤了倉庫歸來
喜雨喚兒孫道旁多種甘棠樹

涼翠軒爲程士敬賦

素月流清暉松陰暝寒綠嚴岡何逶迤崇巒抱平陸地偏
謝羣塵採茸處幽獨碧烟凝露華爽氣集雲屋靜學昂遠
姿奇葩綴文牘驚鸞屬商音長歌步林麓

歲寒軒爲孟德常作

孟隣搆幽棲庭深寡交謁陶琴張不彈漢書看還歇鶴瘦
巢雲松猿饑嚼梅雪詩寄軒中人歲寒並高潔

吳 臯

臯字舜舉號平齋臨川人潛諸孫吳草廬門人官

臨江教授遂古籍元亡後抗志不出有吾吾類稿
採樵山中作

晨興遵前路縱橫復多岐停策高阜間東西安所之松栢
繁陰敷並游多鹿麋境與俗塵遠採芝堪療饑斧彼硎底
薪束歸任烹炊迴覺人迹絕復若世事遺借問園與綺嘉
遯亦若斯吾意爛柯者局終歸若遲余生世已季戈戟日
交馳古道邈雲遠撫膺心不怡

寄周所立

初綠藹喬林華館微薰爽粉節蠶新篁錦籜綴林響脫巾
掛蘿薛陽景散清朗洽此童冠儔林邱恣幽賞趙璧非常
珍妙鑑啓深獎蘭章任芳札亟誦慰遐想寧貽簡默慙輒

復懷技癢思逐好風翔深期謝榛莽

病足彌月鄧漢傑惠紫竹杖

敗瘍爰類癰良行改蹢蹢伏枕縮伸窘窺關走趨艱賓主
日旁午閔余生苦顏肅進藉辭接送往卒復難忤懷靡自
解撫心不遑安交親意有會貽以紫琅玕剔竿剪飛佩剛
木驚鳴鸞紋侵宿雨潤節傲秋霜寒扶顛委令材倚之良
自寬感此倫誼篤懷德劇百端時危備驅策永矢俾相完

三月二十日得幼兒消息聞在崇仁故里

承檄赴鼇磯茲辰乃還鄉于時際昇平欣覩憲度章歸來
踰雨載海宇糜寇攘乃知十稔後不得霑泰康遊宦寓清
碧中途逢虎狼重罹檢剝苦所幸脫死亡癸卯秋告仲兵

勢日熾昌孤城寡不敵破陷俱倉惶四門守軍律閉禦示
故常丈夫且莫越童稚焉足當矧復負荷重竄逸莫可藏
於焉被毆執仍慮或見戕父子不相保東西各彷徨亂後
永相失曷已懷抱傷有客來故里具言居處詳會面良可
必聊且慰衷腸

雜詩

河宿爛宵分嚴霜歇芳物噤噤南飛雁聲逐浮雲沒征夫
懷遠役戈船連曉發軌遣嚴程緩奈此苦寒月大布不禦
冬况值霜斷骨命微難自保去去冒馳突親知慘別離割
痛永相卹歸來良有期會見早寧謐

晨起凄風厲霜氣欲斷肌暄涼謹代謝推遷理無違念我

蓬蒿居懸磬心自怡寢食列鼎還卹凍與飢富貴何足
羨賤士安坦夷

嚴城喧夜柝鳴咽鳴羌管清輝鑒檐隙桂魄光復滿秋聲
動寥廓邊鴻起撩亂榮茂就衰歇關河音信斷客寢不遑
安就遣愁心緩

答龔伯先病中見寄

新篁亞濃綠繁籊當前楹長夏美風日高居媚幽貞一札
示佳什三秋耿余心在此金玉音因之襟抱盈嗟子抱微
疴問疾阻修程遙雲隔曉望積雨夏氣清長洲兩河迴通
川一夕平發軔懷朝濟攜儔遲宵征延覲攬我心遙遙若
懸旌

鼓板曲

又名棹
孤舟

吳山越女嬌於春西湖晴光搖煖雲官隄垂柳綠明媚名
園豔卉紅網緼秦樓管絃百花裏遏雲雅調樓中起時見
江妃乘素鸞忽逐仙人跨赤鯉朱闌翠檻隱約連平湖綠
荷菡萏一片蜀錦紅模糊畫船蘭槳蕩漾游貝闕銀濤紫
霧彷彿迷蓬壺蓬壺仙應見招天吳紫鳳來迢迢采裾光
射蛟人綃檀板輕敲催玉簫鼙鼓達達停翠橈疎篷洒沫
漿珠跳好風折竹鳴瓊瑤碧玉樓頭韻初調含宮咽徵聲
寥寥似向天上聞簫韶雲鬢霧鬋滄波搖水精宮裏薰風
飄武陵仙棹同相邀嗚榔擊楫乘春潮一聲欸乃穿雲霄
共喜四海煙塵消賞心切莫孤良朝

擬天上謠

仙人御風朝紫皇
宮衣夕染紅雲香
露華溥溥桂花濕
銀蟾咽水宮漏長
天風吹斷鳳簫引
玉珂聲遲仙佩冷
銀牋染翰墨色光
冰硯生雲舞龍影
歸來悞落長安塵
宮花猶帶瓊林春
南國烟消新雨露
紫微花開玉堂曙

九月二十八日與吳立敬初別途中聞雁有感之作
落木蕭蕭下寒聲
動夜分天連沙塞雪
月暗楚川雲書杳
兼愁積燈昏和睡聞
南飛正嘹唳相失似
離羣

憶東湖舊居

問我歸歟日茫然
未有期十年經戰伐
六合尚瘡痍川暝
滕王閣雲深孺子祠
向來幽隱地陰憐
晚風悲

不到東湖上相將又十年道邊皆甲冑城上暗旌旃落日
歸心絕寒空殺氣填無由問親舊翹首一潸然

殘春感懷

辟地携家客上泉畱春無計只空憐閒門花落終朝雨深
樹狼啼欲暝煙南國戰爭殊未已中原消息謾空傳向來
記取麻姑說滄海於今總是田

寄歸學士彥溫時寓夏縣

老筆文章史漢間喜聞華髮映朱顏司空舊隱王官谷開
府今稱庾子山一色黃金丹竈火十年清夢紫宸班與君
旗晚方相見久辨歸田疏乞還

贈宋隱士

誅茅見說向雲邊
案上時鳴別鶴絃
晴嶠采芝秋悄悄
夕軒酌酒月娟娟
問門地迴人歸掩
坐榻塵清客去懸
我政多情念鄉井
可能無計戀林泉

和文雪印

官寺岩龕入望連
曉聞鐘鼓向晴傳
乘閑擬坐禪公榻
報繹纔通賈客船
城下波濤生蜃氣
斗間光采隱龍泉
落花門巷朝朝雨
清潤斜侵案上絃

答劉永之寄來韻

苦厭兵塵連上國
每虞板蕩似東周
因風寄遠空傳素
愛月牽情重倚樓
覽國無由同去鳳
論文說似解全牛
山田恐近桃源洞
兩載移家出近州

送人入覲

華軒疊鼓下蕭灘幕府英猷副上官入覲已稽周典禮趨
朝爭覲漢衣冠鳳臺春謁王畿外龍衮光生黼座端獻納
多君才並美遠承新渥出金鑾

絕句

飛來雙粉蝶還爲落紅迷不惜餘香在隨風過檻西
樹色偏宜晚酒煙接古城傷心遙駐目荆杞亂來生

題白菊次壁間韻

露粉凝春欲綻時西風籬落雪盈枝客來應費尊中酒醉
後還題壁上詩

次韻周存義

數里猶聞舂築聲崇墉巖嶮報初成問問何用興愁嘆幾
處春山尚未耕

次韻

琪樹珊瑚動好風府公清興與誰同一聲鳴鶴楚山靜寶
月生涼露井桐

劉養晦

養晦號雪樵萬安人避亂龍頭山中明初返舊廬
堅臥不出

野館

安穩桐溪上時危久索居蟻穿庭下穴蝸篆壁間書野水
臨秋迴山窗映月虛十年戎馬亂歸計定何如

王氏招飲席中有感

憶昔至正全盛時朱門豪家多亭池池邊女兒縱游賞新
妝照水明玻璃春風淡挹芙蓉渠黃鶯嬌轉垂楊枝整日
歡聲無暫歇攜手花間撲蝴蝶曉吹龍管迎香風晚酌金
樽邀夜月珠簾繡幕花艷麗畫閣朱樓紅地爐日長無事
教鸚鵡象牙鏤馬閒撈捕豈知人事忽更變瓦礫荒蕪人
不見繁華一去杳難留空有閑花飛片片玉堂夜夜客鳴
珂白頭一映能幾何人生在世若大夢吁嗟易老成蹉跎
召起舞我當歌青春去難再遇美人如此不長好黃金白
璧徒云多

目復

復字克敬餘千人至正間從張仲舉遊明初高蹈
不出

宿山家

木落秋滿山窗虛夜涼集風吹海月生露洗苔衣濕野客
愛清冷長瓢膜中汲

曉出西園由谷中歸

披褐涉西園煩襟散清曉微風動高樹零露下芳沼始行
幽谷中忽出青林杪流水漂餘花修筠度啼鳥身緣翠石
迴思逐白雲杳負杖孤賞懷春闌綠陰悄

道中

野風飄征衣野日轉空壁衆鳥號荒墟雜花翳叢棘路暗

江西詩徵

卷三十五 元十一

三

人不逢烟火望林隙

曉起

晨暉澹芳牖，曠氣盈幽襟。岩谷有秋意，西風吹滿林。獨櫺
高館罷暢游，南澗潄漱齒。掬寒瀨，矯首望孤岑。悠然釋百
慮，似得靜者心。磴轉入茂樹，衆山坐來深。

晚出池上

遙嶺散夕雨，掩書游方塘。棲鳥喧幽林，簷蛛引絲長。木杪
微風度，颯然生早涼。沿流弄潺湲，倚竹聽琳琅。邱園信爲
樂，主相永相忘。落景送遐矚，暢懷寓清觴。但得寫心素，焉
知兩鬢蒼。

秋懷

空階積寒葉不覺秋已深
離人滯遠道愁思何能任
日夕登高原暢情羣木陰
羈禽尚有棲漂泊仍至今
片雲生東嶺頃刻薄北岑
願乘涼颺度反彼川上林

春曉

華館耿不寐芳春催賞心
水際月微白零露花氣深
東峯曙色動茂樹鳴幽禽
時景覺易宴宿昔成華簪
豈無濟時意自顧力不任
孤吟倚前檻惻愴遺哀音

送別

商飈應秋氣草木斂華英
客游總念歸子有千里行
匆匆倚侶催悄悄離思盈
丈夫懷志氣孰不戀榮名
華薦起當路使者促前征
追餞東門道把酒哀絃鳴
蕭條野驛莫泛

灩江波清密謀植帷幄慰彼蒼生情古來盛名士多半起釣耕

山堂詩爲周伯清賦

清旭崇林均疎籬翠澗上細路經谷虛幽軒面林敞樹涼集鳴禽地遠謝塵鞅一手拂玉琴微風遞瑤響泠然適素懷聊以寄心賞

贈仲庸艾先生

邱壑念長棲榮宦非素心一朝使者騎來辟荒山陰徘徊釋短褐慷慨援長琴開讌集朋游趣裝辭故林平生經濟術名動江漢潯逝川赴東海孤雲還北岑行藏各異態努力及華簪層城睇高雁歲晚待徽音

送趙文昭之沔陽知事

王孫應時辟長才，屈卑宦風烟塞川路。
舟楫望江漢，親友不能別離居。
忍分散，振迹林野隅。行李書策半山川，
戰伐蹤勝概。溢文翰幕府，愼籌畫機務。
貴奇斷，况彼古沔城。民生經喪亂，不有君子人。
何以解愁嘆，雲薄九疑峯。水白湘靈听，念君遠行役。
默然動離怨。

陳氏館書懷

階樹夕含露，冥冥鳥棲時。臨軒獨不寐，見月有餘悲。
舊游已陳迹，素志倍前期。守道古多賤，高世俗恆嗤。
君門獻璞人，朋足終何爲。沮溺共忘世，千載名永垂。
薄才違時用，竄迹宜東菑。明朝擇廣野，芟舍依茅茨。

野中別友

獲竟原野曠，續行秣長陂。遠峯夕照盡，孤鳥西飛遲。天風
泛高霧，烟樹含微滋。故友適相見，離居驚鬢絲。素懷未及
展，惆悵臨路歧。彼此各流寓，東西會何時。歲晚霜霰盛，昂
君松栢姿。

吳當

當字伯尚，崇仁人。澄孫以蔭入仕，薦爲國子助教。
累官撫州路總管，擢行省參知政事。陳友諒辟之，
以死誓歸隱于吉水之谷坪。卒，有學言藁。

潯陽舟中

天地無情淚，眼枯故園松。竹久荒蕪秋，風屋破從誰葺。春

酒家貧祇自沾萬里關山勞夢寐孤舟烟雨落江湖渥洼
龍種空相憶雲漢迢迢不易呼

贈樊秀才

憶昨承恩乞鑑湖幾回清夢謁神都葡萄天馬來遶徼杭
稻雲帆出越吳腸谷吠晨驚蜀犬神祠乘夜托城狐龍鍾
臥病空籌策萬里雲霄羽翮孤

四月朔都門別友

昨日送春歸今朝送君去君去幾時來春歸向何處都門
柳千行晴空正飛絮祇恐尊酒空離情渺無據

拂雲堂

修竹臨綠水高堂散清陰猗猗歲寒操皎皎君子心不承

春陽媚已覺秋露深仰止雲漢上高節慎所任

謝靈運小像

達人不可俗窮乃託遐蹤海上采石華山頭接雲松曠情
凌霄外長笑紫烟重白駒不可繫矯若人中龍世陂道已
微君子固有窮多才竟爲累寡立復誰從凄涼貝錦詩千
載仍忡忡

送立道

清笳動城闕落葉響空井羈客增遠懷繁霜集寒景依依
塞鴻度杳杳江路永昨夜夢滄洲朝來理烟艇

寄題周煉師雲臺真館

亭亭雲臺山重阜隱深廓神宮闢龍虎秀色今縣邈真館

依青林澗水傍虛閣種竹春霧重刊松晴雪落高敞自無
爲幽曠各有託時見白雲閒爲雨出城郭豈知有道者元
化在機握相從赤松遊不爲慕靈藥愧我煩世慮睠然仰
冥漠考槃能自引隨遇有真樂園綺如可期共爾戒歸鶴
天歷初元京師之變大興軍旅中外皇皇遄聞順附
誅放姦臣朝廷清明海宇寧一皇帝神聖郊天告廟
躬行典禮酌功報力恩澤周溥大宥滌濯仁施滂沛
百官稱慶賓筵秩秩進賢去邪皆繇睿斷太平之運
適符于今草野愚臣謹撫所聞著爲歌詠以稱述盛
德愧辭語蕪謏不足備太師之采傳示久遠云爾共
八十韻

社稷初聞變朝廷欲託孤羣情迎代邸至德辟勾吳大業
中興主方輿混一圖威聲通海岱神采動江湖郵傳三千
里舟車百萬夫共知尊帝統猶或竊兵符政體蕭曹輔權
綱耿賈扶天機開武略相國發雄謨未足煩游刃惟宜破
大輒先鋒初出銳全帥已摧枯義正師無敵城降戒不屠
乾坤司化育民物盡昭蘇頌禱千官集朝宗萬國孚勲庸
榮閭闕社土賜茅菰隱惻綸音切優嘉寵數殊酌功頒府
藏憐死恤妻孥始覺埃壖靜遡聞浦澤敷近圻仍給復內
郡悉蠲租宥自深仁施情矜舊染滂厯征隨刻滌縲紲遽
懽呼正燭調蒼律陽和轉碧蕪祥開山出甕瑞應火流烏
會合寧非數休禎信不誣淳風還揖讓彝訓協都俞公器

巖廊備卿材柱石須合袞登袞覽鶴下于于裏甲寧論
武紳書半用儒步聯青瑱闔坐列錦氍毹金馬天門邃銅
駝御路迂考著親禘祫報事享郊雩牢醴周彝鼎染盛夏
璉瑚祀皆稽典禮誠豈薦潢汙宗社金爲室庭碑玉琢趺
樂縣通夕展展席鄉南鋪舞羽虞韶奏包茅楚匭輸裸將
流拒鬯饒實瘞璜瑜拜俯冠裳肅周旋組綬紆嘉生光宇
宙純服接方隅使者香奩出祠官驛騎徂兆壇尊嶽寶列
時及幽鵬治卽陰陽正時應水旱無紛紜修貢簡容易棄
闕繡價重連城璧雄夸照乘珠祥麟郊藪獸神駿渥洼駒
航海期王會通城樂賜酺異材徵楚晉良鍛產錕鋹戶版
三年計農田九穀需經邦平賦斂充府別精粗勢邁唐中

葉功高漢兩都皇猷垂後則祖憲重前模接跡風雲會迎
恩雨露衢春旂標禁衛曉箭遞宮壺班序崇鴛鴦華裾賤
貉猊閣中羣玉署殿外執金吾饌起黃羊圈香浮白獸爐
官腰齊窈窕官甕雜醞醕鮮膾銀絲脆駝峯翠釜腴芳饈
調芍藥珍鼎薦淳毋優戲停絲竹殊音備越胡柳塘朝漱
灑花塢夕糝糊酬酢頻傾倒綢繆極燕娛時方登俊又人
自屏姦諛濟濟星辰履法造化樞詞場尊賈馬藝苑薄
楊盧大雅風仍樸羣黎俗不渝栖巖思矯首報國誓捐軀
丕顯傳千載重光耀八區封功登泰華銘刻到衡巫可謂
巍巍矣真能郁郁乎邱園思孔孟耕釣慕唐虞立德期深
造從心矩弗踰承家思紹述篤學謹須臾忠欲繩芳躅身

惟養碩膚簡編時講受菽水日懽愉氣鬱豐城劍風雨渤海桴夕歌樵澗谷晨耒稼泥塗不效微生直難從荷蕢遁陳詩堪作頌擬賦漫操觚衆已趨時進吾猶待價沽攄忠遭盛際諷吉奮長途

達彥修秘監號雲松隱者又自作圖邀予賦之

香鑪雲氣半空赤千尺長松倚青碧謫仙去矣秀色留誰與孤雲共棲息蓬萊高人業嗜古身在道山天咫尺爲君先約彭澤翁五老峰前候飛舄

詩莊

雅大中采四方名士詩數萬篇名其居曰詩莊

詩人自昔身多窮云是身窮詩乃工太白飄零一杯酒杜

陵茅屋隨秋風君莊采菽不盈掬僅有新詩千萬幅飢來
一字不堪煮猶自逢人索珠玉年少執戟稱衛郎軟裘快
馬雙明璫驅馳王事出奉詔西拂弱水東扶桑龍光南去
衝牛斗含香曾到扶胥口雲邊曉掛洞庭颿花時夜醉長
沙酒人間曾見墨淋漓當時采筆生光輝千金散盡不自
惜囊中惟喜有新詩嗟予豈是能吟者秋月春花渾漫寫
故園松菊已荒蕪兩鬢蕭蕭雪盈把君不見相如作賦家
四壁子雲草元宅一區君莊風月固有餘不知身世貧何
如

湖西羅受可作梅月圖贈予北行賦此報之

青山湖上去白雲湖上住草屋八九間梅花兩三樹年年

許客看花開花下攜琴載酒來對花把酒喚鶴舞酒酣月
落同銜杯黃昏疎影橫斜好更取生綃拈筆掃高情能畫
勝能吟風雪荒寒憶郊島我來不值花開時騎馬獨從湖
外歸上陽密霰春如海祇有東家蝴蝶飛

送人歸蜀

愁寂都門別艱危蜀道行四山皆雨氣長日有鶉聲北極
紅雲闕西江白帝城懷親兼戀祿去住總關情

送王都事度海入京

萬里皇華使千夫瀚海船長風披朔霧高浪蹴吳天江漢
新烽燧車書舊幅員不勝遺老淚咸望太平年

便宜曾奉詔受節大明宮列郡旌旗合三關道路通誓師

親督戰破賊不論功率土王臣在何人高誼同

許國心猶壯馳書路更長物情移白黑士氣轉蒼黃郡邑
風煙裏衣冠日月傍共誰清海嶽持以報君王

當寧資賢輔持危鞏聖圖萬邦通禹貢九德協臯謨師出
宜無敵城降戒不屠老臣空有策何計徹神都

虛橐

世已聲華改身兼老病侵幾年滄海夢一旦白頭吟旅館
驚虛橐塞城急暮砧固窮知義命何用較升沉

羣情

社稷生奇變關河入戰圖樓前朱汗馬城上白頭烏鵲步
分光嶽江流接蜀吳羣情思伯業佳氣囑臯都

看雲亭爲慈谿匡上人賦

盤結松蘿四壁空，靜看雲影坐從容。
風清時送歸巖鶴，雨散常依在鉢龍。
野水帶潮微辨樹，山光斂暮只聞鐘。
杖藜欲去分禪榻，知隔慈谿第幾重。

上都秋日登眺

客裏年光似水流，滿城砧杵動羈憂。
沙頭白露牛羊夕，塞上黃雲鴻鴈秋。
千里關河通王氣，兩都宮闕壯神州。
多情不用悲搖落，更爲斜陽獨倚樓。

潘子華畫上都花鳥

水泮東風鳥力微，暖雲將雨濕芳菲。
不知天上寒多少，誰剪春羅作舞衣。

觀大明殿圖

大明宮闕五雲端
簪筆趨朝老從官
白髮十年江海外
人間寫作畫圖看

夢登書閣

匡廬晴雪白巘坼
萬里清江一棹寒
自笑老來情思別
九天樓閣夢中看

丑月六日見迫趨昇抗論力爭復繫于小舟龍開河
口累夕驚風怒濤中六日夜至十有二日大雪洊凍
病臥賦此

長夜漫漫雪一篷
有衾如鐵臥如弓
窗中猶擁胡姬暖
未信當年屬國窮

曾憶黃河守凍船魚肥肉美酒如泉半生辛苦成何事衰
病飢寒雪裏眠

朱磯除夕

駭浪驚風動楚天鄉心羈思漫年年鱸魚不受寒江釣今
夜朱磯雪滿船

卽事

繁華一夕怨西風金雁鈿蟬鏡影空咫尺關山春夢裏桃
花又向別人紅

一吳志淳

志淳字主一無爲州人以父蔭歷官靖安都昌二
縣簿濠泗兵起徙家豫章奏除待制翰林爲權倖

所阻入明抗志不仕自號雁山老人有主一集

按劉

仔肩雅頌正音作豫章人茲據通志流寓收入

白楊行

真定劉生客死閩中同行者爲歸其骨其妻胡氏自圖夫容以祀因哭而絕鄰人憐之遂合葬鍾陵東門故又號鍾陵行

鍾陵東門白楊樹行人指點是雙墓墓中夫婦俱少年一雙白璧薶黃泉黃泉相逢語嗚咽一一從前向郎說前年郎去客三山今年郎歸白骨還當時自畫蛾眉樣今日却寫郎容顏容顏轉似心轉切叫郎不應心斷絕生時不得逐郎行死時却與郎同穴丹青遺像畱人間年年淚竹寒

生斑當年曾過延平渡還見雙龍化劍灣堂前既無父與
母堂下又無兒與女使妾有子堂有姑丹心一寸那能枯
六朝盛事付流水忠義幾人能到底秋風月冷鳳凰來與
郎同上吹簫臺

春日遣懷

貧病相兼氣未舒田園雖少樂耕鋤爲儒已入他州籍垂
老頻收故國書夜雨湖山人去後春風門巷燕來初潘生
喜遂閒居志阮籍從教禮法疎

春游

湖上輕風吹柳絲湖邊細雨濕花枝百年總有三萬日一
日都來十二時杜老每尋崔氏宅山翁偏愛習家池乘閒

取醉真吾事度水看花也自奇

山中蘭麝香滿林故人清游能遠尋燕來已覺社日近寒
退始知春意深山光入眼凝遠翠華影到湖生夕陰慈雲
咫尺不一去薄莫還家空復吟

上日開筵曲水濱年年相憶在茲辰千家榆火催寒食萬
點楊花照暮春紫燕却歸尋舊主黃鸝到處喚遊人東來
巢父如相問爲覓風流賀季真

鄭元明高啓文攜友人所畫谷口圖訪予湖山未幾
啓文先入城府元明獨留僧舍一月講明古今詩文
墨制及秦漢以來書法歲晚將歸永嘉賦餞

竟日過從喜有餘蕭蕭行李借僧居江雲影落山窗靜野

水光涵夜月虛石曰松煙和露擣寒林柿葉帶霜書天涯
回首多離思空有新詩獨起予

閒居東湖述懷

野叟耕鉏喜近郊柴門風雨夜蕭騷臥龍豈欲煩三顧老
鶴長鳴向九臯北闕湛恩新賜爵近臣傳敕舊同袍自憐
經濟全無術祇有山林興最高

題小山水景

十年小隱在青山喜有東湖屋數間門外白雲常在眼此
身渾似釣舟閒

小舟何處問通津二月東湖柳色新老向天涯頻見畫一
枝曾折送行人

宿龍菴懷友

高情久已念離羣
獨向山中禮白雲
龍送雨來畱客住
鹿銜花去與僧分
疎星出竹昏時見
流水鳴渠靜夜聞
却憶故人江海去
題詩誰是鮑參軍

日湖

玉几東來浮野色
錦溪西下接湖光
道人燕坐心如水
六月荷花鏡裏香

兒牧牛

兒牧牛豐林清潤縱爾游
長鞭短策莫輕舉
從渠飲齧飽
卽休老幼年
年仰衣食
排種田園藉牛力
早夜單衣白飯
之祇恐春來或生瘠
日日丁寧語
牧兒老翁餉爾當及時

籠禽吹笛任相學，慎勿將牛嘗苦之。
牛不耕田廩無粟，淮上二年食人肉。

夏日閑中消暑

青山地僻車馬稀，十載僭游歌式微。
傍溪卜築而流水，拂石展簟消炎暉。
老翁過從就蔬食，幼女補綴成絺衣。
西亭去家苦不遠，日莫共逐漁樵歸。

東湖萬頃波渺茫，人家多在雲水鄉。
竹枝調短阿家女，鶯葉歌長何處郎。
疎林歸鳥度花影，近水流螢浮竹光。
東山坐待月已上，不覺涼露霑衣裳。

江西詩微卷三十五

江西詩徵卷三十六

南城會燠賓谷編輯

元

胡布

布字子中南城人夢魁孫嘗受業楊廉夫卓犖不
羈敦尚志節元末曾客汝南王幕叅謀軍事明初
徵之不屈被譴尋釋歸有崆峒樵音按四庫書元音遣響提要

作字子中

感懷

粲粲東園樹桃李相後先秋霜草花落彼美豈專妍窮老
見鄙棄安能復少年勉力策勲望營營尙多愆智謀無旋

江西詩徵

卷三十六

元十二

一

軌千歲非偶然夸父骨已朽去日西山巔榮貴苟可求黔
婁爲不賢

勁弩常蹶張步驟射天狼天狼畏楛矢足折心摧藏多士
每喧沸焉能相中傷世無英雄人暴戾故有常

晨風鼓勁羽翩翩翔鄧林檁櫟不自賤何意託嘉禽所託
非真幹焉得慕高深幽芳旣已渥怵惕實居心垂聲謝君
子榮顯非所欽

班班衢路子亶亶窮舌端好惡用信際縱橫逞私言安知
英雄人超等出天然歎興賓明主理諒天下先萬象得本
原一夫無飢寒進隆雍熙治退不居其賢豈事贅朱墨茲
思爲世妍

雜言

悲風蕩汀介客子衣裳單珠玉內自充何傷暫飢寒志學
企前詰經綸微緒端夷世拙營謀閒邪不可干出門負氣
節中道搆憂患俯仰懷匹儔吞聲納辛酸皎日麗長空海
清無波濶坦途成跼蹐中止竟良難阮生尙沉湎陶子觴
弦彈期運苟不符淵潛事龍蟠鼎鼎寰宇中日月雙彈丸
老驥萬里途力強心未殫遺黎式遂望天道諒昭貫

擬古

北風吹行雲飄飄南飛翔參辰何歷歷招搖明月光鬱悒
達長夜沈吟憂內傷行雲不爲霖斷絕我中腸
嚴風斷枯草去去何足道飄零不自知榮盛苦獨好故人

日衰蹇新人相照耀貧老無依棲黃金惜年少

北邙多邱壠荒途荆棘蕃子孫不之識問是何人墳生死
有常理豈能逃聖賢但恨去日遠奄忽逐麀塵

古意

妾身當何許君來相爾汝煩憂在宵懷轉厭聞笑語妾面
芙蓉紅妾心蓮萼苦蓮萼苦心盡芙蓉守紅死不學鴛鴦
棲亦化蝴蝶舞

楊國順先生畫像

伊昔當明運矯矯人中龍卓犖志不羣青天貫長虹達人
識時變身與道污隆弓刀正旁午歛迹如旋蓬以我風雲
氣蟄之掌握中歸休故山陽邈若遺世蹤坐致渭川漁言

尋黃綺翁姬昌叶吉占久矣俟清風

與劉紹論詩文作

黃口至白髮鼎鼎鳴文章嚶嚶古之人濡沫批與續既無
卓爾見難局升斗量披竊月露餘已如風雷翔翺翺
踏穉辭聲老蒼識每下萬人足未踰一邦師學無從反
規以求方留難譏苦澁陳腐如馨香烈烈三百篇王元肇
鴻臚五言起漢魏已泄大雅莊文字兩秦漢六代流唐
對偶一相諧理趣因隨亡况事尖麗間委曲叶言言新
意不續道失語徒狂樸素輕典刑巧薄高飛揚稍無效顰
恥安受時譽光我欲竟此曲此曲悲且長枉君陳矢辭端
謁世儒行

贈地理曹希鳴

昔我候雲氣力窮芒碭山因之察地脈龍虎相蔚盤玉陽
元星人白日駕紫鸞佩我豁落圖籍我鬱羅直指地穴丹
屋回風鍊火還飛光繞陰井百日造元關斷白郭景純玄
成啟其端一悟山水靈葆真寄浮寰芒忽視下土誤翼橫
天翰山河不足歛天池爲之乾曹子羲聖人東來慰幽患
捫霄粲星斗流目渾峯巒五嶽等培塿風行窮壤間顧陳
列仙窟秀結金斑爛疊疊蒼龍枝習坎清紅環我欲遨八
表旋神萃奇觀竝子白鹿車朱輪明月團蓬萊好形勢三
十六轅轅射的峙其南弱流爲襟闕穴去黍珠境歷地五
丈寬子能弄紫翠逍遙達泥丸何必張子子驗法九宮安

罹難

乙卯十一月初十日

天地亦有否賢人乃韜光避影趨日中毫髮彌昭彰蹇子
克重荷末德罹乖張大厦不可支潛幽保貞藏負恥五百
士寧親在高堂頽然坐窮山放虎實自防朽樗甘委質自
足永頤康孰謂累薄交譽言爲德歟慈親亦投杼疑失豈
尤償天孽猶可違憂虞道其常明夷利箕子羨里息姬昌
賢聖久寂寞愚蒙或同方至公涵冥昧惟善降百祥矢心
不枉道彼短任吾長經綸若時雍凡百慎括囊

奉寄姚東之

同氣結同心含光異流俗白首愜素懷子病猶我辱丈夫
區宇志道枉非戚促彼取吾棄捐紛華恥貞獨青松翼尙

江西詩徵

卷三十六 元十二

四

阜風颶激喧觸豈不蕩枝梧根深植彌沃長安信可樂西
笑尙極目餘子竟嘻嘻阮生何慟哭採薇道如砥往矢無
返曲將子懋永年高光冀相燭

次韻鄧子方真人見寄

闔門候紫氣令尹識聖人不有沮溺徒仲由豈知津奈何
希世士託迹清渭濱功運不可符淵潛藉同仁猶龍隱柱
史元理以言陳木舌金口宣道尊德無隣鳳麟世寂寞梟
獍捷若神揖讓化莫覩巢由竟誰賓南陽有古老談笑四
海春大雅何寥寥斯人發天真悲歌萬籟沸浩嘯凌蒼旻
貽我太古音澹然味清醇嘉言匪易貺欸敘及芳晨所期
耀世資韞匱爲家珍逸志倘可遂何煩當世嗔

弱歲

弱歲別鄉曲棲身戎馬間路難畏客子心遠窮河山浩有
帝王道宏仁拯頽殘圓方乖柄鑿德惡各持堅回顧弛妄
勞採芝託商顏葆光誠自得仁澤已彌艱

弱歲負烈氣澄清志天下中途倦羈艱未老心已化追求
昔所蘊梗塞中自咤世故莽蒼涼乖違奚足訝安知貧賤
士於道未云寡豁爾忘達觀前非覺長夜浮休寄囊括露
泡迹野馬靜者自虛明悠悠樂間暇

次韻余樵谷見寄求書之作

江波月色環古城榜歌悠悠思濯纓雙魚錦字過眼明書
致樵谷通清名技辭滔滔文翰精混龐正氣師天成謂余

草聖如伯英一掃澆漓浮俗驚我自正鋒虛腕生雷奔電
繞海沸騰恍如公孫渾脫舞赤幟翩翩漢歸楚流光擲鐵
啟迷悟川泳雲飛殆天助爲君鈎格展毫素識者其誰儼
聲譽神交脊脊遣呵護千里之親如目覩姑山肯枉笙鶴
度贈子延年元鹿脯

張子元畫梅詩爲季克先生賦

清河之子鐵石腸寒玉爲操冰爲裳湘簾風靜小窻夜月
澹梨雲飛夢長夢中彷彿孤山下西湖處士知我者弱水
茫茫玉笛寒翠禽聲起鞦韆架碎冰和墨幻瑤英桃腮杏
臉慚丰神一片江南秋水白天香亂撲羅浮春有時半折
蘸脂顚酒暈衝寒晚香破有時斜抹綃衣籠絕似黃昏澹

烟澆補之寫手近代奇清河獨師王會稽平生自得冰玉
骨脫略毫素回天機閩南十九徵揮翰萬幅瑤花蒼鐵幹
更須蓓蕾待和羹千古圖酸表雄觀

老將歎

長風飛沙三萬里漠漠平原戰塵裏漢家諸將氣如雲萬
騎飲馬天山水天山水深寒入骨苜蓿經霜土花紫塞嶂
緣雲玉堞長邊秋泣月金鉦起昔年從事將軍青冥顏山
石曾刻名前年斬頭八九萬幕南始見無王庭奇材劍客
爭交結王公貴人皆折節名譽起身刀劒中勲庸忽在侯
王列幸逢聖治能弓刀得免猶全走狗勞不同曲逆遊雲
夢錫壤分符表威重畫圖麟閣逸生時裹屍馬革得全歸

成功受祿榮廉退太平金玉寶者願閒經五原獵禽獸信
馬邊場剪楊柳黃沙帶水尙熏腥白骨如山半摧朽始慚
富貴在一身萬死豈盡無辜人不惜萬死易一生猶希百
世享尊榮死者一一富貴心當得瓦礫變黃金天地生金
起爭戰世上黃金不願見

贈龐將軍

龐將軍此髯戟烈凌秋旻當關叱咤萬夫勇一語不合輕
王臣去年謝事歸東海鵬冠縞衣佩蘭茝斛雷手語託素
心轉關漫索通悲灑君不是賀蘭智石槽鐵撥雲雷氣又
不是康崑崙激流鏖錚金鐵渾玉盤驪珠千萬轉春水百
裂黃河奔高堂秋空夜氣昏中天月色爛如銀請君別接

伊州調不作青衫灑淚人

殿前生桂樹

金花濕露浴青瑣玉宮繁手勻秋顥翠陰亂月散香塵十
二闌干曉風過驚鳥起飛仙子殘舞鸞交枝涼葉翻銀縈
玳瑁薰羅被翠鏤搔頭綰鳳鬟羞花悼春遠欲倩春
時花滿眼

題方壺雲山蕭寺圖

山人行藥溪橋東翦帽衲子欣相逢相逢相携成一笑老
剎有路山南通山南青瑣十二峯雲嵐列綵蒼景重請君
爲我激長嘯萬木古壑號天風行雲躡屐度飛礪龍光走
潭碧珠粲雄山之神不可呵物變金沙界長阪長阪迴塘

紫篠林簷葡萄花香貝葉深歷歷晨鐘翠微出朝光斜切玉
山岑一逕浮莎青錦織喬松偃羽寒蛟色金繩耿光搖佛
日鐵鳳交簷威梵國世尊寥寥空殿秋龍象慘成陰風颺
山僧逢迎禮闕略遙指寶華常白樓白樓之西小有洞僧
伽文釋三千衆瞿曇石上說根源旃檀閣裏叅疑夢山人
瞑坐天雨飄醍醐味冷夙煩消從此靜通成大徹回頭世
火謾焚燒出塵直出塵中幻浪說三途起八難此軀此相
卽真空八難何曾有空幻畫裏寰區塵眼塵風雲色界幻
天真壺仙爲幻區中眼難幻區中眼外人

聽爭堂送朱啟文歸虎林省親

秦人破瑟促瑤柱翻作清商去聲譜唳鶴羣高咽素雲雛

鷓鴣滑烘春樹故家王謝挹風流罷笛徐將玉撥撈桓伊
雙手金滕曲風繞鵲弦璧月秋欲鼓陽春和彌寡調高誰
是知音者改撥驪歌慰壯遊白雲冉冉吳山下

觀禱卽事

璧月流光玉臺路青瑤玳瑁三珠樹盤螭鏤篆騰紫霞雲
母交窻引非霧翠仙離離翠羽翬九章迭奏參差瓊寥天
雲錦過空碧時雨寶華歸望青元黃太史三天史清心肅
神觀天帝祈民福壽考終令善人相延保世世香風灑灑
聆至言靜定噓吸成汞鉛萬山明月出滄海一片秋水涵
長天矯首鴻濛禮無上八垓湛湛瞻虛曠轉頭金玉五枝
燈一瞬回光燭無象

採薇操

彼腥腐爲氤氲兮紛舉世而飴之曰趨風而委順兮惇冉冉而危之冀可免於萬一兮顧中私而違之匪獨善於斯須兮慨大義而歸之山之薇兮潔而肥之旣得以療吾飢兮我則宜之

採芝操

嗟嗟皓天甘彼巖穴肆志游盤以茹芳潔深谷高陵光被日月非我羽翼豈我喉舌飄飄還山天下勇決邈矣唐虞保身明哲

紫陽仙子歌

紫陽玉貌絕世華雪垢羽服擁丹霞翔鳳徘徊九霄上蟠

龍步驟五雲車上元仙子同旌輦玉佩苔裳同南面青飀
遠遡紫府仙元黎不逐崑崙宴婺娥織歌彈月箏雙成妙
舞參差璫三十一枝風色勁秋空亂灑步虛聲不分錦衾
留洛浦情知霞佩遺交甫一從鸞鶴去西華雲雨樓臺想
南楚紫霞仙尉當青霄清心端簡聆回鑣賜以長生碧瑤
笈仙經脈望蠶塵銷佩服仙經食脈望一雙青鳥遙相向
別乘綵鳳導飛璫逍遙黍珠騰玉京

若之何歌

天地昏昏日月薄蝕泰山爲陵河海流逆杞人忘憂林類
乃戚宋人奇玉卞和寶石離婁掩察烏獲無力相逢衢路
側欲進詎能前詰屈羊腸坂覆車繼後先保退涉逆流鹿

豕爲我援冥冥障霧集陰風妻以旋饑渴猶可忍單裾濕
不牽願得乘桴浮洪濤日滔天幽陰舞魍魎毒蜃坐噓烟
願得棲巖穴蛇虺肆蜿蜒惡草尙被藉瘡痍且蔓延西南
有古莽不照日月明東北有阜落嘉苗所不生天高邈難
攀地厚載可勝由來雖怵惕旣往亦徒行若之何兮憂內
平母以爲此傷中情禍有仇緩福有膺劇亂委治實相經
滄海桑田終變更理有極否泰符徵

長相思

長相思望歸難羅幃斷夢幾時還倚月枕掩雲鬢紅樓人
尙淺翠被曉猶寒滴階朝雨絕淚眼不曾乾

同熊經彭聿宋季陳介陳亨嘉陳景壽遊翠雲關得

礪字

手策綠玉杖，嶙峋涉天梯。雲峯峙六合，面面翠鬢低。我昔
乘風陟武夷，俯臨三十六曲之迴溪。嵐花霧彩漾空碧，摩
蕩日月相交輝。長松百尺大十圍，怪石嵒嶭虬龍飛。空山
無人風落木，半夜月出青猿啼。東平劉生劃長嘯，手中龍
泉電光繞三山。鸞鶴不可留，一片行雲入秋杪。璫軒逍遙
君玉頰，明珠紅笑指白石。洞揮霍雙青龍，爲予歷陳華與
嵩。天台南來鴈宕之高峯，膏泉輪并注其下。奔馬萬仞開
鴻濛，雲關雙穴天河通。捲浪八極周崆峒，乃聞異人陳至
義。昆羅法門開不二，二士從容獨後來。龍蛇翰墨曇花墜
西來老翁追莫及，石樓青虛壁鐵立。照影空潭得月明，棹

頭歸去天風急念我三生主玉林天下名山諧素心自聞
躍馬泉中柱恨不一覩鏘璆琳屈指十年滄海變逍遙君
登九華殿予亦騎龍擁翠鸞東歸麻姑尋紫壇長年青髓
飯食實翠琅玕飛來紫霞凌羽翰竦身忽在青冥端一鼓
剛風挾素月列峯照眼金斑斕白馬秀出雲林山爛銀查
堆如彈丸卓筆之峯出其右手接南斗挹回轅攀蘿緣石
坂汲水松花礪笑殺鶴上人吹笙碧桃晚三時玉女吐蘭
泉九門霹靂巨鰲吼陰崖風雨碧波涼潭底雷文赤蛟走
脫我紫綺裘因之雙佩珥濯足巖下泉凌空掃瑤雪莫碎
白玉斗且拂珊瑚枝山花與醉客何事不相宜請君看取
天目之西陲嶄然枝傾天愕頽人靈八百萬不啻土一抔

請君看取崑崙之北角萬斧昆吾不能斫巨靈一勢迹如
削亂鬼衝風六時作一山一水直萬錢且復對此酣歌眠
黃河九曲猶清濁泰山高高荆棘天致身福地人中仙何
用戚戚悲流年願從直此三百斛一斛爲君掃百篇

贈警師吳炯中

君不見文成將軍叶五聲京房易學窮三星管公器識薄
何鄧蒼生已信誤寧馨我生半在江湖上河圖星史多招
訪十年歸濯三谷流思得異人歌遠遊五峯吳子好才氣
遠來談天析經緯黃鍾律歷森玉衡紫微天元發金記生
死之門三十六子盍居之迹仙躅帝恐泄道墮厥身可憐
雙瞳如滅燭文成京房非至人子今內養充陽神河海形

勝瞭衷曲堯舜之主巢由賓小儒行藏安足云大聖厄宋
窮蔡陳當時天地快一擲金盤采奪萬人勲功成治定潁
川水尙友赤松携列子垂天鍛雲冥漠問子能相從海上
山若遇少年天日表高歌此曲豁心顏

獨漉篇

獨漉獨漉水濁見月水濁可澄心濁傷明泥深道苦挽行
無侶非不獨行獨行多虎蒼蒼長空獵獵大風客有所懷
如青天虹明明旭日橫天東出鵬羽鍛秋陽光若尖錦繡
入火文章膏煤火滅成塵不異藁灰驥發遲遲志在千里
刀不斬仇孰以施利嵩嶽何高海水何深穹壤其極不如
寸心

鰕鮒篇

戢戢鰕鮒如塵如毛自江達海逐浪乘濤終然假水力江
海任逢遭揚鬚播鬣不盈分毫列隊排波得志滔滔乃復
笑潛龍養志事天邀屈身濁水湄風雷走江臯魚目皆見
晒鰕鮒軒軒勢相高欲見葉公葉公懼豫且制我於兒曹
鉛刀一割利誰復識昆刀猛虎落阬陷反愧當路螭時來
無貴賤天地可能逃

行路難

染玉易改色中心宛然守故白何言熨熨傷蹶蹶素懷因
今念疇昔拊劍以浩歌繁星朗朗當天河繁星豈無光不
如明月何掉頭咄嗟心轍軻誰能聲折磨天譌還君白馬

雙玉壁彈決河流長太息

陌上桑

清箏且徐徐聽我歌羅敷羅敷入豔里閭提籠采桑當路
隅使君停五馬顧問何溫如黃鸝自啼蝶自舞羅敷有夫
君有婦此身肯學野鴛鴦豈得提籠自採桑妾家夫婿侍
中郎黃金爲門玉作堂腰間碧雪鵝肪佩耳畔翠雲魚鬢
瑞人人矜妾佳夫婿雄才英英照天地生來一諾重千金
人誇金張竊獨鄙夫才婦色兩詼諧各有節義臨身乖使
妾家貧成獨處夢魂亦繞青陵臺君早去莫延佇君妻肯
採桑亦有道邊樹道邊車騎眼中花何不同顧向君家

鱗角吟

歌我鱗角吟傾君熊耳杯堂中三千士一笑顏開君不
見蔡丞相曷鼻巨肩不可向躍馬食肉四十年富貴何曾
有形狀又不見漢黥王輪作驪山爲叛亡羣雄躡足定楚
漢兔死烏盡良弓藏人生貧賤多論議龍飛虎變知誰是
伊尹從來五就湯魯連畢竟羞秦帝長城三萬里禍在蕭
牆起碩儒無事向遭坑亭長何曾識文字天長地久今如
此黃河清濁皆流水不見愁雲咽隴頭何限英雄眼中淚
去亦不足惜來亦不足矜但願高標迴白日春花秋月醉
良朋黃金堆山嶽美酒爲君酤北斗作酒杓東海作酒壺
勸君飲君莫辭風雲感在須臾何乃局局悲榮枯當使功
成拂衣去攜取西施遊五湖

長劍行

男兒當作萬夫豪，俯拾青紫如鴻毛。時來擁篲橫區宇，剗
決浮雲凌九臯。蘇秦昔時貧賤阨，掉三寸舌相六國。位高
金多歸故鄉，入門妻嫂皆下堂。一家勢利尙如此，路上行
人誰家子？丈夫恥作兒女悲，燕雀焉知鴻鵠志。酒酣憤歌
歌激烈，雙眼窺天唾地裂。便從東海批龍鱗，更向南山探
虎穴。寧能寂寂雞鶩羣，微與螻蟻爭紛紜。金盤六博快一
擲，采取將相圖麒麟。不然凌風事遠舉，南招美門拉松子。
汎覽清氣乘陰陽，周流無極御八荒。

擬得牆欲高行

乾大包物地無疆，海不擇流源深長。廣庭倚力柱梁一醜

百惡圓鑿柄方漢卿毀齒是臣蹈江九重回明豈抹亡願
君如天宏畢照擬日光

江南行

吳姬白苧衫撥櫂唱江南江花鬪繁錦江水漾新藍吳兒
雙雙歌竹枝弄篙濺水不成泥風過楊花吹不起鴛鴦相
間白雲飛別有紅樓花的的絞結綵囊信拋擲十二方釵
隔畫簾鴛黃螺翠春無力小儂新挽北人頭壓髻雲鸞吐
月鈎別按中州去聲韻繁弦度曲和經謳北客過從經北
里南船買賣來南市回頭不顧買笑金過眼何曾義公子
爲君醉爲君歌不爲兔絲依女蘿但願一顰還一笑見骨
金釵無用照

傷歌行

百川逝水絕還流，夸父逐日不同頭。
秋風鴻鴈春風燕，河東織女西牽牛。
湘君見竹還見淚，遠人歸來石當起。
汨羅濯德君可迴，憂天未崩杞人死。
黃河奔流接太行，路不難行道里長。
有窮之君斷雙臂，難返九日駐頽光。
神仙可憑藥可久，不見秦皇并漢武。

放歌行

宿雲流陰度城闕，城頭烏啼城上月。
胡笳歇拍羌笛哀，穹廬將軍淚成血。
匣劍星文光欲動，羅帷青燈明復滅。
空將夢裏見先皇，曾是軍中識英傑。
伊昔青冥奮雕鸞，飛百萬翔寥廓。
而今白眼泣麒麟，嗚啾鳥雀追風塵。
風塵陰陰

瞻河縣經過行人問征戰還將漢北裂帛紅回向遼東帶
書箭箭飛翎折鏃斷金馬死沙場春草深不見征塵掩駘
骨胡朝暮隴雲陰西當太白環荆楚北斬樓蘭叱羣孽
黃鬚鮮卑應夢來白面終童棄繻去可憐功業歸偏將道
傍枕藉成邱壤九衢呵從何紛紜列屋珠貂不相讓別有
南陽開甲第轉日回天擅經濟意氣由來縛虎雄縱橫烏
事屠龍計屠龍縛虎技難憑續弦煎膠奇自矜自謂亞夫
知劇孟過從易水問荆卿四難欲除恥欲雪督亢圖窮七
不發將軍不惜將軍頭俠客空成汗漫遊

相逢行

世路多岐曲岐曲達長安妍醜紛相逐輪蹄交其間去者

不憚遠來人或悲酸榮辱理有常孰能籌萬端維昔尙聲
勢捷徑所攀援事君本無誠功烈侈宏觀利祿及妻子奴
隸肆餘驩孜孜徇一已僥倖涉國難尺長有丈展寸否千
憂煩陽揜陰爲惡暴白詎可殫姦私深自恤汗簡乃欺謾
矯首東都門歷歷銜怨訕修天以要人未必淪異患物誠
事不忤清源無濁瀾相逢岐曲人欲竟此長嘆

孤兒行

兒無父母尙在家貧不自保身寄他鄉罹患害父母生兒
時貴兒貴是男屬當休明時親朋來盍簪陳禮羅酒漿衍
衍譽言設長且八九尺仁厚豐令顏羣下若屏氣威容不
可干父母樂安逸家事所擯斥百萬上留用買花度年日

強奴事慈父利我所貨殖資財竟蕩盡兒大無家室父母
貧又老咨嗟何所道父遠兒不歸良時委芳草豈無鄉里
思人情多是非豈無鄉里人貌好心不知兒父天一隅寒
溫莫候期道路日悠遠行人去且遲拔劍出門去恥作兒
女啼四顧多悲風浮雲掠天飛熊羆號前虎嘯後怒髮指
天汗流頰兒命一何辜蒼蒼當爲誰兒有寸心天若爲憐
時羿前驅稟後行鳥獲奔車魯陽駐景列仙縮地軒轅出
令保合骨肉遺民全命稷契臯陶允平庶政大道無爲民
法不競下逮萬世休光猗盛

黃鵠行

黃鵠早寡哀思故雄無何怨尤義命允終君家有高樓雕

楹繡柱錦盤龍綺羅疊裊褥金錯豔重重儂居茅蓋屋長
夜臥如弓志尙不相謀寸心遂難同君家椎肥牛飲醇酒
歌鐘歷亂彈箏擊缶儂登北山采薇茹芝潔若冰雪強神
注願自非口體人安事相追隨豈苟富貴慕豈易貧賤去
所長泉下恥所短寰中苦大義不乖違死生誠何事儂是
一婦人欲愧天下士

對酒行

我有一片心寥落萬古愁今晨對美酒浩蕩付東流我昔
探穴求虎子西登芒碭侯雲氣鼓刀之人理釣竿頭山牛
歌長夜起少年激烈負壯圖自當天下奇丈夫直欲乘風
破巨浪入海攫取驪龍珠英英湛盧劍玉琤青珊瑚久不

得剗犀象斬獫狢星文繡澁霜花枯幽陰汚土豈足掩神
王寶氣貫斗牛天樞時來天地賭一擲握柄身先萬夫敵
大人虎變非擬量肯爲監子迴容色肆中虬將生撫刃強
調笑流目視可山餘子等末照一目飛龍人君先我同調
豈無昂藏凌九霄以爾席卷歸包茅雙龍偃蹇不竝駕鳳
凰雕鶚各有巢舉觴酣歌酌萬古悲風蕭條爲我起九日
不可迴青天古人心事長已矣長已矣不復來千秋一知
已餘子將相才棄瓢老翁好襟懷寥寥乃見富春臺風雲
圖畫出東海百代碌碌徒喧阗我御冷風振高節上追數
子相超越鼓翼九萬登鴻濛浩與大塊同噫咽括囊元氣
於卷舒橐籥六合天爲徒

鞠歌行

魚目晒明珠，鰕鮒笑龍螯。三獻何貽則，足羞荊州萬玉爲。
之泣仲尼大聖人，削迹于魯衛。蔡澤狀嶮枯，詭譎致相位。
賈生不必恥絳灌，漢廷羽翼藉園綺。時命有同然，逸民猶
任使。盜跖之惡已橫天，令終康裕登遐年。顏淵竟夭折，亞
聖何能冀。自全化工無私循，至理善善惡惡如流水。達道
貴自然，梟獍非倫擬。

艷歌行

杏梁初月上，桂障晚香團。竝照花羞面，聯芳氣拂蘭。流鶯
慚曲度，舞燕比腰寬。買笑千金易，知音一顧難。瑤琴聲乍
轉，嬌歌興已闌。含笑俱傾意，託語尙羞顏。藕絲裙帶合，竹

葉酒杯殘的的帷中燭灼灼腕上環情如斷金石恩有重
邱山誠願垂燭光多幸保環圓

鹽梅引

甘以酸爲和味以鹹爲主傷鹽喉哽咽過梅心悽楚調適
貴得中心手天爲度間髮不容私吹毛亦兼與神功佐四
運翼德懋公輔璇璣典寬衡日月光合宇仁和扇惠風膏
澤均時雨惟天于我心于正儀我矩一夫曰饑寒由已使
無所阜夔有玉燭永言佩斯語

雲龍引

芒碭秋空見羽毛龍光雲氣與天高五湖何處無明月斫
竹南山坐釣鰲

入塞曲

入塞常在先出戰常在前骨不委沙塲貌不上凌煙死逐
百戰塵生全萬死身死封李飛將餓殺真將軍鬼雄與人
傑生死答君恩

大道曲

烏鼠不足登鼎俎羅網不能致龍虎所以曠達人甘心託
卑汚乘田委吏豈足數聖人當之安所主潔世隕天全傷
親非律度堯舜百代事規規有常程夷齊以義去後代死
沽名伊尹三往來效者失其誠老聃伏柱史切切避虛聲
子房全去就去就魯連輕欲食當思耕欲衣樹蠶桑逞舌
畫雄畧假仁仁義亡鯢鵬鍛翮蔽三光鷦鷯深處一枝藏

竹花結實鳳凰至卿雲五采明朝陽經天緯地論賢聖王
喬矯手畧不聽呼吸元氣御日月天地有窮道不盡卷者
不復舒志尙焉可竝萬世迭更變億兆各順令

出塞曲

被甲二十年全軀萬矢中腥風凌白刃人死我成功受降
論百萬俘馘過西東寘顏石復刻烏丸壘亦空振武揚兵
氣宣德暢皇風金鞭行擊節八面凱歌同天子臨軒陞劄
符登美封簪花上林苑醉酒明光宮再拜奉萬年太平歌
治隆所願全民命不敢計勲庸

懷仙曲

矯首寥天見黃鶴雲翩翩入青廓金泉百沸湧丹砂九

靈老人烹紫霞霓結旆旌星軫駕逸虛之宮五光夜待予
鵠立元黃中一激清風洗天下

磨刀曲

莫作青銅鏡照面不照心常恐日月光覆盆難俯臨願君
憑龍背直見海底深

烏棲曲

宜城春酒鬱金黃樓上屠蘇百和香同心寶帶合歡結烏
棲樹頭拜明月
錦幔遮屏輝五采烏棲月出薰香藹此時氣息兩相憐含
嬌弄態不能前

感郎言誓爲郎憶魚爲比目鳥比翼烏啼月落東曙開俱

飛魚烏約重來

疊股釵橫金鳳凰連環佩結玉鴛鴦啼鳥啞啞楚天曙金
玉容華逐郎去

輕舉篇

弱齡秉清戒齋心學上騰羨門教服朶倕伶引拾瑯鍊氣
常通液補腦急還精歷紀校功滿一舉得身輕寶駕乘流
電珠履躡繁星憑虛倚闔闔肆遊寓紫京木精友方朔日
華驗廣成靈桃艷芝圃瑠藥粲椒庭樹剝玉文棗枝懸金
脊藤黃眉覽六著青瞳指五城徒侶皆仙氣服御盡長生
俯見泰山小坐待黃河清率土不足顧六合豈難并始異
塵愚境進卑世俗情

古思

去年征小月今歲入雲中書去春鶯後夢歸秋鴈空瑤箏
折繁柱翠被掩重籠裁衣猶想體臨收羞照容妾豈懷私
意君亮重精忠但惜芳年邁未建列侯功君行當策勳妾
行當預封

驄馬驅

十五學劍器偏騎生馬駒二十斬樓蘭輕身事馳驅虵弓
彎月影烏陳布星圖響蓋鳴珂玉生紅滴汗珠自矜毫髮
義寧憚萬金軀身當國難死名恥衆人俱必使清區宇垂
勲竹帛書

發書上

理倬環枝水依岸歷橫塘織翠將苔葉流曲渡花航綺席
餘香散澄湖明月光懷人將遂見望途猶恨長奔走知形
累青紫與時忘養真非谷口讀賦感山陽鴟夷故宅遠麋
鹿古臺荒去水芳年逝落葉暮山蒼詎自矜班志暫假似
顏藏

結客少年場行

射獵陰山下經過狹邪口俱邀信陵客共酌新豐酒不韋
膠漆契郭解死生友共念雪國讎漫地蒙塵垢剪草除草
根殺人恥人後所貴豪俠義不辭骨肉朽縱死秦王劍何
負將軍首

自敘

艱時負弱操虛已盡天爵軌途將鑒往
歎感紛非昨在昔任架構言念中
榱桷三千經名禮九萬邇寥廓慕義披天
日抽腸見葵藿膽氣識子龍風浪懷宗
慤揮金去聞楚抱玉緬河洛局局前途
隘紛紛後塵錯世衢春草艷物表秋
雲薄孤情慟故臣長策矜時藥抱熏自
煎爇同活遂支度敗垣竟可踰深坯亦
幾鑿事農畦園靜望海雲霞漠蜜香
知蜂起潮退緣魚落躑躅墮丹心齟齬
韜雄畧素絲無色染散髮煩巾著尚疲
東野馬欲展清秋鶚天德何酬許賤
生當激作心遠冀宏圖時修嚴重託
迴復循至理非子獨

鵲鵲

賦獨孤隱居詩

萬竹巢孤鳳雙潭據獨龍穴深留禹跡松古受秦封日月
間窓牖雷霆被劍鋒坐憑南郭几行策大宛筇苜蓿經秋
嫩雕胡任水春金方丹券悶瑤笈彩雲重巾擲成橋度銀
飛是雪溶魁罡聯步武天漢豁心胸令德高巢許名言振
鼓鐘未緣酬夙契空欲躡遺蹤

海上有懷

五雲連海闊一水與天通日月三台近乾坤八表同遐荒
歸震蕩草澤數英雄霸業矜文治天兵小武功麒麟當大
路鵬鶚展秋空上將雲臺舊宗公玉節崇羣方連國難率
土返王風血滿秦城下笳吟楚帳中敢忘將寸草不必歎
孤蓬徒倚瞻霄漢龍光接岱嵩

鶴砂道中

空林初見月老樹獨禁秋鴈影望中沒鯨波天際流竹深
僧寺靜逕古客亭幽去亂思劉表懷才念馬周豈無霄漢
志不展稻粱謀潛澤猶多彥中興在列侯星河環北極蛇
豕眷南疇去日馳芳景飛雲想巨艘短衣愁逐虎長夜學
歌牛收拾狂蹤去箕山累許由

得二兄消息書示鄉人

弱弟知臣節諸兄戴母慈家猶隣戰伐國敢計安危異俗
衣冠舊恩深將相知青絲調白馬赤手竊潢池力必先烏
獲兵當後食其五雲封鸞鷟一老應熊羆上德精圖治仁
師貴保遺山河崇衛翼日月望旌旗天道回經緯吾徒豈

磷緇百年忠孝願三復脊令詩

邯鄲才人嫁爲厮養卒婦

隱妾擅花容三千眷女紅寵遊名共輦被榮曾冠宮年將
舊色改夢與故恩空一自經塵土百死念微躬破壁蛩吟
夜枯樹鳥呼風貴榮少不逮賤辱老相從苟全父母體况
慚婦寺忠

關山月

未久辭沙漠奉命討祁連後逐李飛將追躡至燕然疾風
飄沙礫彫弓不控弦黃旗開虎翼綠玉匣龍淵地迴聞旂
咽山空見月圓持比君心照白骨滿三邊

有所思篇

相思不可已相見邈難期當君懷鄉夜是妾夢歸時寶奩
殘匣粉瑤瑟脆弦絲文杏酣嬌暈弱柳展愁眉綵屏香霧
掩綺帳曉寒低照骨環金折見膽鏡塵飛苦爲芳年去坐
恐故心衰裂帛待秋鴈掩淚聽朝雞亭亭將影吊脈脈寄
心知香裏愁還熾想中人似來裁詩織錦去憶箭帶書歸
望極將情遠途遙念馬遲素懷鍾契愛良願豈乖違一札
緣風至萬里幸星馳

芳樹篇

碧樹臨秋風芳枝煜華露寂寂憂思人冉冉徒行步青春
去不來白日朝成暮坐恐雙輪車行摧九折路焦螟陰井
歛熠燿疎簾度語夢暫留驪懷情恍如過新人容自新故

人心何故勿以疲馬憂當計亡羊慮萬山皆北拱一水猶
東注愁結楚天雲淚涕湘江雨

臨高臺篇

臨高臺翼翼何軒軒所思乃各天一方終日騁望不能還
天長水且闊兩臂無翅翎安得騫飛霄漢間臺高高百尺
臺下有水清而寒遊魚躍其中仰首見飛鳶上下亦可察
山海亦可移愚夫一寸心萬智不逆知對面尙難同望想
何由期臺高水深望不極望極徒令長太息

黃鳥

黃鳥西窓樹低枝拂短簷曉帷驚楚夢春恨隔湘簾篆碧
殘香印愁紅薄鏡奩遠期邇未兆近信鵲能占酒淺金浮

彩筆清玉弄尖芳心待明月留意語纖纖

歸隱圖爲張叔夏作

舟楫江湖遠雲霞島嶼平遙天兼水淨遲日帶霜明草澤
人誰在林泉計已成問津逢季路蹈海識田橫去歛千秋
氣來矜萬古情風雲徒入夢屠釣不嫌名望氣知埋劍臨
流想濯纓明珠雖萬斛魁壁重連城書得圯橋祕門如谷
口清猷龍終一起噓灑爲蒼生

鵲鵲

夷碣石礪礪陽坡草離離取適飲啄情養成山澤姿樊籠
事格鬪脆翮互差池王風有深喻貧士無完衣物理賦白
然奔奔竟何爲

閑居

野水通花逕迴流蔭果園游鳧如葉縣飛鶴自雷門澤世
黜名晚閒居道義尊此身同草木何有答乾坤
釀秫方充酒樵林始足薪入山無利路負郭有閒人碧笈
清都籍黃圖太古民祇應雲作伴慣得鶴隨身

所居

江靜銀河接雲銷玉宇空門當五柳曲身在百花中寶瑟
紅樓近仙槎碧海通自全楊櫟質不是傲英雄

秋夜卽事

碧樹生秋思澄江散晚陰中天雲色靜萬戶月華深柳句
環烟寺花樓出翠岑因循遠塵垢何必計山林

止海濱

去亂豈辭難寧親缺問安窮河知地遠望海覺天寬客各
通吳語童皆揖漢官十年家國願未擬尙盤桓

村居

碧草迷荒壘春桑藹近郊驚鳥棲擇木客燕去辭巢禮有
朝廷舊貧多市井交苦無簪笏願不累子雲嘲

有道寫寄叔夏隱人

行道應知命無求足養和少憂聞禮晚貧恥受恩多尤怨
垂名義因循致亂訛周公頻入夢搔首意如何

客懷

岸岸栽桑梓村村足稻粱近山民病虎入郭吏如商作客

非懷土思親故望鄉近途羸馬在猶得涉冰霜
山雪明殘夜江雲薄曉陰寒莎輕綠淨來葉亂紅深論是
潛夫癖瓢煩靜者心從來泉石趣何待此投簪

答宋倬

不爲相思苦情知會面難別從兵後數見似夢中看抱璞
非留滯衝霄好羽翰爲農亦暫爾豈得久泥蟠

晚歸別柯陳善

野服稱朱顏松溪看藥還披襟延皓月闢戶納青山道在
何論隱時危不厭閒惟應將隻屨送客入秦關

題梨花枝上黃鸝語

恰恰金調羽盈盈玉拂枝青樓傷曉夢碧樹感秋時舌巧

含風潤花清照日遲章臺多彈射莫作後歸期

偶題寄張隱士

白首淹雄略清心問大還露英滋紺髮丹髓駐紅顏長策憂天下虛名避世間德公遺意在乘興鹿門山

延平

延平神物久淪亡玉匣鉛刀耿夜光自此東門無獵犬懸知去國有屠羊寰中日月驅流電海上風雲擁大荒向子素來諧曲調不勝聞笛感山陽

天馬圖

駿骨稜稜火鬣分鐵連錢映五花文江南豈有真龍種翼北常空萬馬羣我昔天閑瞻步武人今墨素識風雲披圖

惆悵憐神物四海猶思汗血駒

偶書

綠竹蘩蘩護暖沙清溪岸岸帶踈花東風故壘迷雙燕斜
日方塘吹亂蛙天地無情悲物化江邊遺恨泣龍蛇壯懷
未欲憑流景徒倚青霄淬鏃鉞

次韻張廣文奎得京師消息

八荒分壤列諸侯十歲侏儒擁道周玉壘秋雲浮霸氣金
鉏夜月起邊愁自慚劇孟成虛譽恥爲燕丹作浪游只合
歸山袖龍劍吹簫醉臥木蘭舟

山城卽事

一道河流碧繞城纍纍雉堞表干旌殘民避虎當官道甲

第圖麟列將營驟雨來時白日黑游雲斷處青天橫對此
有懷如玉梗不堪孤劒匣中鳴

無題

湘江修竹淚斑斑惆悵重瞳去不還黃道星辰環北極蒼
生霖雨在東山長江鷗草風波遠落日漁歌草澤閒天壤
相逢無限恨強將軒豁破愁顏

觀獵

狐矢晶晶獵騎馳草中狐兔半魂銷飢鷹自足隨黃犬倦
鷗何知訝阜鵬東里歸心吁嶂遠南天望眼楚雲遙平生
學搏無才力不敢彎弓向九霄

入理問所作

羅網還堪致鳳凰
亭亭飛影企朝陽
南圖已分漆布有西
狩何勞獲不祥
暗室撫心無少愧
覆盆瞻隙有餘光
青冥
我有冲霄翮
奮激清風灑八荒

次韻饒晟秀才見贈

壯歲扁舟去五湖
浮雲身世卷還舒
空懷慷慨濟時策
底用太平封禪書
雲水閒情天宇闊
乾坤高樹世塵疎
掣鰲
畱得長竿在縮手
林泉學釣魚

余友余樵谷字南坡隱居高士也以詩見寄余次其韻以答之

青年儒素耿孤蹤
師表賢才服事恭
四海言窮羞說劍
千金技老困屠龍
月來高樹軒居靜
春到空山草木濃
同是

隱淪知此意爲君揮灑散憂悵

峩冠

峩冠左袒白羊裘時向煙霞混道流
勲業無情風過耳神仙有分雪盈頭
飄飄身世雙龍劍蕩蕩乾坤一月鉤
携取枯桐彈別鶴碧波如練楚江秋

偕表兄劉二紹訪友畱飲求書因而有贈

龍安豪客氣如龍秩秩賓筵異味重
少室山林無俗氣桐江水石有遺蹤
能詩總羨劉公幹不飲休嫌郛曼容
最愛野亭梧竹裏牙籤文史足三冬

歸來一榻臥松雲徙倚簷峰對夕曛
月滿溪山尋虎迹秋空牛斗識龍文
多君早負青雲器老我狂書白練裙
不是

山陰逢道士可能乘興換鵝羣

絕句

蘆荻花殘豆葉黃秋風八月鴈南翔
年年墜露溥枯木老樹何心耐九霜

碧波千里漾浮漚畫漿驚飛入亂流
莫謾水村烟霧裏虞羅多在釣磯頭

劉紹宅題芭蕉

碧玉盈盈翠袖寒月明秋影盼青鸞
雲緘不展芳心嫩怨向西風泣露團

再刻竹

玉鸞雙引綵雲中劍羽泠泠灑碧空
一曲昭華明月裏飛

玉言集 卷三十一
玉
璫無力任秋風

翡翠啼烟亂晚青
斜穿璧月過瑤屏
雙成九弄玲瓏玉
同躡金苞紫鳳翎

答孫行簡見寄

自分青萍閱紫芒
誰論鐵筆厲秋霜
銀箏不是彈明月
悶向空山泣鳳凰

時來軒冕可能逃
君有長才信所遭
莫遣蒲輪恐山客
山中松桂訝旌旄

題畫

華髮歸來著素冠
碧山秋興楚天寬
自從閒却風雲手
江漢經綸理釣竿

富春垂釣圖

軒冕泥塗本異名，論交一宿去天庭。
十年老我江湖夢，秋向圖中覓客星。

一張 達

達字秀充，南城人。入明，抗志不仕。與胡布、劉紹齊名。張啟嘗輯三人詩爲《元音遺響》。

十一月十九日題

原上鳴春鵲，僂俛思急難。如何二十載，恂恂避憂患。
綵服明朝日，菽水怡令顏。諒哉致惋愉，勗率無間言。
前除風雪交，北堂霜露繁。紫荊日萼絕，華髮萃九原。
陟岵獨延佇，復誰念羈艱。載歌棠棣詩，惻愴摧肺肝。

題雲山深處圖

山色逗奇秀雲光澹冲融斯游日成趣幽杳焉可窮樂意
魚鳥適曠懷猿鶴通讀書長松下刷藥林藪中體倦時一
息閉關保元冲于焉謝簪紱卽爾徂春冬羽客銜豪素揮
灑寫清風何當解塵鞅歲宴遠相從

雜言

大化運亭毒三光燭乾坤氣機往復來一理妙屈伸咨爾
萬物育流形見陶甄綱維孰云是主宰道固神

力政弊强秦商斯廢王道焚坑事誣天失鹿宜不保所悲
爰劉興制作徒草草當時去古近遺意尙可攷云何事苟
簡亂政乃循蹈遂令三王迹泯沒如電掃安得起兩生從

之展懷抱

九卦處憂患與云以行權居變不失常時中義斯全竊柄
事弗順逐君成矯虔誰云鄭祭仲可與伊摯肩

祖龍遊沙邱秦鹿特競獲尉佗入南夷陳勝呼楚澤中原
竟糜爛黔首罹鋒鏑世無隆準人誰與拯沈溺芒碭雲氣
起長劒誠不忒扶義振三綱休光竝四百云何千載下尙
力不尙德

詐力有時盡戰爭自遺患佳兵誠不祥其事乃好還秦人
昔虎視項氏初入關猛氣警六國雄風拔河山屠毒慘未
已燎原恣兇殘不戢竟自焚哀哀誰與憐

立國本忠厚推恩王者心文景有遺愛休光到如今吾聞

當時詔惻隱由中忱豈但足勝殘田間免呻吟斯意何寂寞民勞汔誰任

外患古來有哲王務安邊虛內以事外經邦道非然周雅詠薄伐漢兵出祁連天威豈不伸彼土終棄捐卓爾金城畧屯師巧畱田持重實遠計武功信由全

扁鵲謂桓侯君疾在腠理於時用湯熨所患猶可弭桓侯不深信諱疾忌言已病至乃迎之無能救其死

和氏識秦玉又識楚王心三獻乃見別豈云遇知音我有太古瑟朱絃間徽金一彈降靈雨再鼓丹鳳吟師襄久不作子野亦已沈持之蒼梧野日暮浮雲深掩泣更延佇徘徊九嶷岑

十五讀詩書十六學劍術二十事荒遊揚帆泛溪淖扶桑
睇初曉水底見日出鰲抃動三山金光時滅沒良遊竟成
夢局迹醜華髮安得招鳳麟瀛洲看明月

登高盼神州視秀向嵩岱嘯歌風雲起懷古何慷慨年來
桑田變歲月悵斯邁流離阮籍途撫迹傷狹隘獨夜發哀
音淒其激天籟

詠懷

夜中喟然歎撫瑟發孤憤交遊徧海內零落殆已盡蕭條
感知己飲恨中自隱騏驎不用良秋霜蕙花殞愴愧激清
歌衣沾涕徒枉

把酒勸流景爲余駐飛光促中多憂虞世故蒼茫怵惻告

江西詩徵

卷三十六

元十二

三

閨霜露兼葭睇青蒼登高望浮雲不見鳴鳥翔塊爾獨傷
處秋思凌八荒

種蓮海池中根淺萌未樹風波日潛釀華耀寧復吐鳬鷺
傷鍛翮悵悵獨爾顧豈無莖與蘅歲月逼霜露嗟我懷美
人迢遙嘆遲暮

邪徑捷輟轅康莊塞荆榛趨舍旣異路誰能復隨羣作苦
念田家值茲伏臘辰酒酣仰天呼盡醉同比隣生世聊復
爾委身亦奚論

懸黎出寶匣爛然光滿目宋人貴燕石按劍不爾蓄抱真
方什襲待價斯韞匱舉世無賞音何勞楚庭哭

端居抱岑戚世故繁乃慮身卑動見尤悒鬱誰與語出門

經中澤鴻雁傷落羽寒風時悲號白日窘陰霧寂寞稻梁
謀憂來淚如注

大海渺無際敝舟駕洪流狂飈怒屏翳駭浪興陽侯維楫
中道失搖搖寸心愁所具本不素沒身竟何尤

世情靡如意忽忽若有亡欲學廣成子沈憂焉可忘烈火
燎中野洪流沒川梁經途塞夔虛冥室悲游光達生苟不
然身命何能當

昔我遊邯鄲悲歌上叢臺黃雲蔽原野秋色南中來愴怛
弔陳迹繁華空綠苔平原君不見知己安在哉志士無蟬
屈上林有遺材興言惜往日千古餘悲哀

霜氣肅大澤虞衡方有爲緣山置罟置遐邇寧逸飛列格

江西詩徵

卷三十六

元十二

三

掩狡兔彎弧墜鵰雞披林踐幽荒探薄窮險巖所中必翮
羽流磻豈虛機焉見凌雲雀飄飄極天涯

少年負長劍猛志厲秋霜獨見絕衆慮高翔起遐方燕趙
徧轍迹周秦慨興亡河山鬱雲飛壯觀思悠揚及此悲局
促鬢髮華已蒼樊籠豈不見短翮情自傷

關別慨參商懷思極令晨積憤莽胸臆所親路無因歲月
不我與曜靈下西津零霜衆芳歇鵲鳩徒悲辛杳杳念索
處悽悽何離羣高山獨有奏牙曠誰其人

寄復見心上人

杪秋靚遙夜木落中帷響攪衣不遑寐起視明月朗南雲
矯鴻鴈候氣悽以愴援琴傷我悵懷人歎河廣憶昔奉末

契蕭穆請方丈清談罪玉屑了悟示天壤眷茲別離久塵
霧紛鞅掌年華感流邁身世悲俯仰時有東林思何能共
來往

送嚴鵬飛助教告老回桃縣

解組適閒身蕭條邱中賞故山跨梁宋秋色多蓁莽回車
戀桑梓父老共來往伏臘倒樽盆高歌遞清響孤雲眇嵩
少一葦歎河廣何所見相思長淮沙月朗

真意軒

鬱抱塞冰炭迷陽瘁吾神有生亦懸贅曷若陶吾真大化
本自然天君絕纖塵中虛自閒豫畦町走紛紜我屋此山
下開軒緬青雲松風行共遠流水春盈津理至情自適悠

江表書卷三十一
然太初民咄爾誰與此懷哉彭澤人

有感

寂感意彌曠雄觀契天真大塊斯噫氣洪爐煽無垠誰將
真意會一理通元根匡坐對山月悲歌入寥曩

曾氏母挽歌辭

怕見隴雲合忍歌薤露晞居然壅氛沴溘爾下慈闈令子
効戎幕良人事幽棲一朝失所助兩地同其悲凍雨灑長
薄驚颺蕩交遶情來但感念誰不增歔歔

歷山祖餞圖贈別蕭郎中之官陝西

素楮揮元霸寫此相思緒沙頭一瓢酒酌別秋城暮長安
豪俠地在昔矜王度畫諾慎嘉猷庶幾存畏慕揮手從此

辭願言保真固雖無萬里途何由重會遇漠漠秦川雲離歷山樹貽爾慎卷舒豈爲誇豪素

贈別孫思明

穴蟲辨陰暄巢鳥驚早寒所以知微士不爲異志干孫侯
抱利器射策來吳關楊葉已百中錯節試一刊春風動歸
興慷慨懷悲酸稽首謝絳闕掛冠趨考槃方舟晚相遇意
過平生歡倩論發幽蹟脫跳盤中丸視彼昧幾者就能識
其端浮雲翳大壑短水翻長瀾君歸適歡會我往足憂艱
岐路一分手壯懷良已殫釣水步清淺采山陟嶺岼斯遊
儻可遂酌酒開芳顏

齋居有感

遙遙萬里道恨恨千古心人生駒隙間胡乃苦其身庭除
滋碧草桑梓翳白雲高齋掩扉坐時聞簷鐸聲

夏至聞蟬有感

昔歲值茲晨聞蟬在齊郡已畏別期賒還憂日方永予今
臥鄉國妻子得相省却念平生言愁來愈難整

寄廬山陳汝言

林臥疏塵事閉門春草深東風偶然來披拂壁間琴感彼
動中意跋予靜者心坐看西日馳落景惜頽侵我本楚狂
人望氣江南陰南來託孤劍然諾唾千金豈不眷勲庸而
甘與浮沈常世屬大度志氣尙難任鼓刀矜餘力叩角有
知音何必蹈東海功成還舊林

夜思

瘦骨揚浪消虛堂蟲響小
悵悵萬古情朦朧一窻曉

江西詩徵卷三十六